



## Concello de Vigo

### D<sup>a</sup>. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

**C E R T I F I C O:** Que a Xunta de Goberno Local, na sesión **extraordinaria e urxente do 12 de novembro de 2018**, adoptou o seguinte acordo:

#### **4.- SUBVENCIÓN A FAVOR DA SOCIEDADE HÍPICA DE VIGO 1910 POLO DESENVOLVEMENTO DO “COPA GALICIA DE ENGANCHE”.EXPTE. 17571/333.**

Visto o informe xurídico do 18/10/18,e o informe de fiscalización de data 8/11/18, dáse conta do informe-proposta do 18/10/18, asinado polo xefe do Servizo de Deportes, o concelleiro delegado de Deportes e o concelleiro-delegado de Orzamentos e Facenda, que di o seguinte:

Co obxecto de dar continuidade á tramitación do expediente nº 17571/333 sobre as proposta de subvención a favor da Sociedade Hípica de Vigo 1910 co obxecto de colaborar co financiamento dos gastos ocasionados polo desenvolvemento do proxecto “Copa Galicia de Enganche”, e tendo en conta o informe de fiscalización emitido pola Intervención do Concello de Vigo de data 26 de Xullo de 2018, procede informar, sobre as consideracións detalladas no dito informe, atendendo ás observacións realizadas no mesmo e que a continuación se detallan:

- **a)** Instrumento de concesión da subvención: inclúese memoria con referencia ás esixencias da Lei 40/2015 para a suscripción de convenios, contéñense ao longo do expediente referencias a convenios, pero logo realízase un informe-proposta para outorgala por resolución e non para a aprobación dun convenio. A fórmula da resolución sería axeitada, sempre e cando se xustifican as razóns.
  - Modifícanse as referencias a convenios.
- **b)** Reforzar a motivación, das razóns de interese público, social e económico ou humanitario ou outras debidamente xustificadas como aquelas que dificulten a súa convocatoria pública, explicando a relación deste tipo de subvencións coas liñas e cos expedientes de libre concorrència que habitualmente tramita ese departamento.
  - Que o réxime xurídico de aplicación do presente informe-proposta atenderá ao previsto no artigo 22.2.c) da Lei 38/2003, de 17 de novembro, Xeral de Subvencións con relación á partida 3410.489.00.01 dispón do crédito necesario que dea cobertura á concesión dunha subvención directa por importe de 1.700,00 (mil setecentos euros), para a “Copa Galicia de Enganches”; xa que concorren razóns de interese público e social, así como de exclusividade que non permiten a convocatoria dunha concorrència pública, dado que a Sociedade Hípica de Vigo 1910, CIF G36944569 ostenta os dereitos competición.
  - En relación a Sociedade Hípica de Vigo 1910, CIF G36944569 débese sinalar a exclusividade e os dereitos de organización, como única entidade do municipio de Vigo, que dispón do certificado para a organización da Copa Galega de Enganches a celebrar os días 20 e 21 de Xullo, certificado emitido



Copia do documento - Concello de Vigo	Data impresión: 03/05/2024 01:27	Páxina 1 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

pola Federación Hípica Galega, tal e como se acredita na documentación que presenta a entidade. Polo que ningúnha outra entidade deportiva do Concello de Vigo podería organizar este evento deportivo.

- Na actividade “Copa Galega de Enganches” a subvencionar, concorren singulares circunstancias de interese público, pois é unha actividade que se ven realizando dende xaneiro en varias cidades galegas (Silleda, Nigrán, Ferrol, Xinzo de Limia, Lugo, Cartelle e Tui) onde participaron 22 competidores e mais de 40 cabalos que se clasificaron para esta fase final todos coas respectivas licenzas deportivas, xa que se trata dun proxecto de grande repercusión a nivel nacional e sentará as bases para a organización de futuros campionatos de España. Este evento conta cunha ampla promoción da actividade deportiva centrándose na competición de enganche por un cabalo, por dous cabalos e coa proba libre, participando este ano tres representantes da cidade de Vigo. Tendo en conta ademais que a entidade ostenta os dereitos de exclusividade da competición na cidade de Vigo tal como acredita na documentación da solicitude, polo que estas circunstancias impiden a convocatoria pública da subvención e xustifican a súa concesión directa.
- **c)** En calquera caso, débese repasar o conxunto documental unido ao expediente, xa que, agás erro na consulta do expediente electrónico, se botan en falta as consultas que se puidesen realizar ou os certificados vixentes (< 6 meses) de estar ao corrente de débedas tributarias coa Axencia Tributaria e coa Comunidade Autónoma de Galicia, de estar ao corrente de obrigas de Seguridade Social nin a información relativa ás débedas tributarias co Concello de Vigo.
  - Engádesse o expediente o documento relativo as débedas tributarias co Concello de Vigo.
  - Inclúese na documentación a declaración responsable da entidade deportiva conforme non está incurso en ningunha das prohibicións que recollen os apartados 2 e 3 do artigo 10 da lei 9/2007 do 13 de Xuño, de subvencións de Galicia.

Por todo o exposto, procédese á modificación do informe proposta considerando e atendendo ás observacións detalladas:

**INFORME PROPOSTA:**

O Concelleiro delegado da área de deportes resolveu en data 09/07/18 que se iniciase a tramitación do expediente de subvención a favor da Sociedade Hípica de Vigo 1910 en relación á celebración do Copa Galicia de Enganche, que se celebran na cidade de Vigo os días 21 e 22 de Xullo de 2018.

O evento terá lugar entre os días 21 e 22 de Xullo de 2018.

O evento, organizado pola entidade Sociedade Hípica de Vigo 1910, entidade que posúe os dereitos da competición, contando con gran afluencia de público e difusión en medios de comunicación, tanto nacionais como internacionais.

D. Ramón Vazquez Ríal, Presidente da entidade organizadora e posuidor dos dereitos do evento na cidade de Vigo manifesta que a súa entidade ostenta os dereitos de uso, execución e



Copia do documento - Concello de Vigo	Data impresión: 03/05/2024 01:27	Páxina 2 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

comunicación do devandito evento na cidade de Vigo. (Achégase a documentación acreditativa no expediente).

O carácter deportivo atópase entre as competencias atribuídas ós municipios no artigo 25.2.l e 127 da Lei 7/1985 e aos municipios galegos no artigo 80.2.n da Lei de Galicia 5/1997, de 22 de xullo, de administración local de Galicia.

O servizo de deportes dispón do crédito necesario de 1.700,00 €, na aplicación 3410.489.00.01 do seu vixente orzamento.

Os gastos derivados da organización e desenvolvemento da Copa Galicia de Enganche, segundo o presuposto presentado pola entidade Sociedade Hípica de Vigo 1910, ascenden a un total de 4.200,00 euros, conforme ao programa e Presuposto de ingresos e gastos, recollidos como Anexos da documentación presentada pola entidade.

Que o réxime xurídico de aplicación do presente informe-proposta atenderá ao previsto no artigo 22.2.c) da Lei 38/2003, de 17 de novembro, Xeral de Subvencións con relación á partida 3410.489.00.01 dispón do crédito necesario que dea cobertura á concesión dunha subvención directa por importe de 1.700,00 (mil setecentos euros), para a “Copa Galicia de Enganches”; xa que concorren razóns de interese público e social, así como de exclusividade que non permiten a convocatoria dunha concorrencia pública, dado que a Sociedade Hípica de Vigo 1910, CIF G36944569 ostenta os dereitos competición.

En relación a Sociedade Hípica de Vigo 1910, CIF G36944569 débese sinalar a exclusividade e os dereitos de organización, como única entidade do municipio de Vigo, que dispón do certificado para a organización da Copa Galega de Enganches a celebrar os días 20 e 21 de Xullo, certificado emitido pola Federación Hípica Galega, tal e como se acredita na documentación que presenta a entidade. Polo que ningúnha outra entidade deportiva do Concello de Vigo podería organizar este evento deportivo.

Na actividade “Copa Galega de Enganches” a subvencionar, concorren singulares circunstancias de interese público, pois é unha actividade que se ven realizando dende xaneiro en varias cidades galegas (Silleda, Nigrán, Ferrol, Xinzo de Limia, Lugo, Cartelle e Tui) onde participaron 22 competidores e mais de 40 cabalos que se clasificaron para esta fase final todos coas respectivas licenzas deportivas, xa que se trata dun proxecto de grande repercusión a nivel nacional e sentará as bases para a organización de futuros campionatos de España. Este evento conta cunha ampla promoción da actividade deportiva centrándose na competición de enganche por un cabalo, por dous cabalos e coa proba libre, participando este ano tres representantes da cidade de Vigo. Tendo en conta ademais que a entidade ostenta os dereitos de exclusividade da competición na cidade de Vigo tal como acredita na documentación da solicitude, polo que estas circunstancias impiden a convocatoria pública da subvención e xustifican a súa concesión directa.

Esta proposta de subvención está suxeita ao cumprimento dun determinado obxectivo de utilidade pública e interese social, que a entidade beneficiaria terá que xustificar axeitadamente.

Pola súa banda, a entidade encargárase da organización xeral do evento e asumirá todos os gastos derivados da mesma e que, segundo o presuposto presentado, ascenden a un total de 4.200,00 euros, sendo que as partidas subvencionadas polo Concello as que se detallan neste informe-proposta por importe de 1.700,00 €, o que supón un porcentaxe do 40,47 % do total do gasto previsto.

Conforme ao disposto nos artigos 28.1 da Lei 38/2003, de 17 de novembro, xeral de subvencións e 26.1 da Lei de Galicia 9/2007, de 13 de xuño, de subvencións de Galicia, a resolución de



Copia do documento - Concello de Vigo	Data impresión: 03/05/2024 01:27	Páxina 3 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

concesión, e no seu caso os convenios a través dos cales se canalicen estas subvencións, establecerán as condicións e compromisos aplicables de conformidade co disposto na propia lei. Neste caso serían os seguintes:

a) O obxecto da presente proposta de subvención é coadxuvar no financiamento dos gastos vinculados co desenvolvemento do proxecto deportivo da organización da “Copa Galicia de Enganche” que se celebra na cidade de Vigo os días 21 e 22 de Xullo de 2018.

b) A lexislación aplicable, para esta adxudicación de subvención, é a que sinala o artigo 5 la LXS, que se refire o réxime xurídico das subvencións, do que resulta a seguinte normativa configuradora do réxime xurídico destas subvencións: Lei 38/2003, de 17 de novembro, Xeral de Subvencións, co carácter básico e supletoria que resulta da súa disposición final primeira; a normativa autonómica sobre subvencións Lei 9/2007 do 13 de xuño, de subvencións de Galicia; o Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de subvencións, as vixentes Bases de execución do orzamento do Concello de Vigo; as restantes normas de dereito administrativo e, no seu defecto, as normas de dereito privado.

Así mesmo, será de aplicación o establecido na Lei 15/2014, de 16 de setembro, de Racionalización do Sector Público e outras medidas de reforma administrativa, que modifica o contido da Base de datos Nacional de Subvencións (BDNS) que se contempla no apartado 20.2 da Lei 38/2003, de 17 de novembro, Xeral de Subvencións, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, que establece que o contido da información en materia de subvencións e axudas públicas deber ser obxecto de publicación no portal de transparencia dos Concellos con indicación do seu importe, obxectivo ou finalidade e beneficiarios, e que regula no apartado 20.8 o contido que se debe publicar a través do sistema Nacional de Publicidade das Subvencións, e que entrou en vigor o 1 de xaneiro de 2016, e a Resolución de 10 de decembro de 2015 da Intervención Xeral da Administración do Estado, pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, que regula o rexistro das convocatorias de subvencións e axudas públicas na Base de Datos Nacional de Subvencións, que establece que *“Naquelas subvencións ou axudas públicas nas que non sexa preceptiva a convocatoria, o órgano concedente rexistrará na BDNS os datos estruturados inmediatamente despois de que se publique a disposición reguladora se se trata de subvencións ou axudas con destinatarios indeterminados, ou no momento da concesión, no resto dos casos”*.

c) Esta subvención catalógase como de interese público social, polo que a súa concesión se acolle no previsto no artigo 19, 4.c da lei 9/2007 do 13 de xuño, de subvencións de Galicia, tendo en conta que as actuacións previstas teñen interese público e social, dada a súa natureza de promoción dunha actividade físico-deportiva en concreto. Asemade a Sociedade Hípica de Vigo 1910 é a entidade que posúe os dereitos da competición, que conta ademais cunha previsión de gran afluencia de público e difusión en medios de comunicación, polo que a subvención se establece mediante unha adxudicación directa, non existindo concorrencia ó tratarse dunha única entidade que dinamiza a dita actividade.

d) Esta axuda non ten ningunha incompatibilidade con outras axudas ou subvencións solicitadas ou concedidas procedentes de outras administracións ou entes públicos ou privados.

e) Que a Sociedade Hípica de Vigo 1910 non está incurso en prohibición para ser beneficiaria das subvencións obxecto da Lei de subvencións de Galicia, áchase ao corrente das súas obrigas



Copia do documento - Concello de Vigo	Data impresión: 03/05/2024 01:27	Páxina 4 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

tributarias e fronte a Seguridade Social e non ten débedas pendentes con este Concello de Vigo, segundo resulta das declaracións responsables e certificacións que figuran no expediente núm. 17571/333.

f) A beneficiaria terá a obriga de presentar a documentación para a xustificación da subvención, no prazo comprendido entre a aprobación do expediente pola Xunta de Goberno Local e como máximo o 16 de novembro de 2018.

A beneficiaria, deberá xustificar o cumprimento da finalidade para a que se propón a subvención e a aplicación dos fondos recibidos. A tal efecto presentará unha conta xustificativa conformada na que constate a declaración das actividades realizadas e dos gastos incorridos por importe da subvención acadada; os xustificantes dos gastos incorridos con facturas ou documentos de valor probatorio equivalente e o importe, procedencia e aplicación dos fondos propios e outras subvencións ou recursos que financiaran tamén a actividade subvencionada.

A xustificación deberá facerse con documentos orixinais pola parte subvencionada e con copias de facturas polo resto do orzamento. Se poderá substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de ..... euros.

A documentación da conta xustificativa conformada incluírá unha relación de tódolos xustificantes dos gastos incorridos por importe da subvención acadada coas seguintes especificidades:

1. Que os xustificantes de gasto incluídos na conta xustificativa foron aplicados ás actividades subvencionadas.
2. Que no caso de que os gastos presentados constitúan rendementos incluídos no ámbito de aplicación do imposto sobre as Rendas das Persoas Físicas ou Xurídicas e suxeito a Retención, que esta foi practicada, así como que foi declarada, liquidada e ingresada na Axencia Estatal da Administración Tributaria.
3. Que a entidade beneficiaria está ao corrente no cumprimento das súas obrigas tributaras e coa Seguridade Social.
4. Manifestación doutros ingresos ou subvencións que financiaran o proxecto subvencionado con indicación do seu importe e procedencia.
5. A xustificación deberá facerse con documentos orixinais pola parte subvencionada e con copias de facturas polo resto do orzamento. Se poderá substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de ..... euros.
6. Xustificantes acreditativos dos gastos vinculados co obxecto desta subvención polo importe subvencionado:
  - Facturas orixinais polo importe da subvención adxudicada, que recollan o número de CIF, a data, o número de factura e o IVE; neste sentido non se admitirán facturas fotocopiadas ou compulsadas nin aquelas que non reúnan as condicións previstas no do RD 1.619/2012, de 30 de novembro polo que se aproba o regulamento polo que se regulan as obrigas de facturación. Nestas facturas se computará o gasto



Copia do documento - Concello de Vigo	Data impresión: 03/05/2024 01:27	Páxina 5 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

acreditado, deducindo o IVE, salvo que xustifique que está exenta de IVE, os xustificantes corresponderán ós gastos vinculados directamente ó obxecto da subvención.

- Cando a entidade solicitante demande a devolución do orixinal presentado para a xustificación da subvención, solicitará a través da unidade xestora da tramitación administrativa do expediente o estampillado (art. 73 do regulamento da Lei 38/2003 LXS) da factura orixinal indicando no mesmo o motivo da subvención, así como si o importe do xustificante impútase total o parcialmente á subvención recibida, indicándose neste caso o importe exacto que resulte afectado pola subvención. Posteriormente incorporará o expediente copia do xustificante orixinal estampillado e a unidade administrativa procederá a devolución do orixinal.
- En xeral os documentos xustificativos corresponderanse con gastos vinculados de forma directa co obxecto desta subvención, admitíndose aqueles nos que non conste de forma expresa si os mesmos foron pagados con anterioridade á finalización do proceso de xustificación.

g) As causas de reintegro da subvención serán as que se determinan no artigo 33 da lei 9/2007 do 13 de xuño, de subvencións de Galicia.

h) Canto ás infraccións e sancións en que poida incurrir a beneficiaria da subvención e procedemento para a súa apreciación e imposición, estarase ao disposto no Título IV da Lei 9/2007, de 13 de xuño, de subvencións de Galicia e na Lei 39/2015, de 1 de outubro, do Procedemento Administrativo Común das Administracións Públicas.

i) A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto da presente resolución, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia en orden á conclusión do proceso subvencional, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015, de 1 de outubro, do Procedemento Administrativo Común das Administracións Públicas e na Lei 15/1999, do 13 de decembro, de Protección de Datos de Carácter Persoal, sendo responsable do seu tratamento a Concellería de Deportes.

j) En canto a subcontratación das actividades subvencionadas, a presente resolución autoriza as mesmas conforme ao establecido no artigo 27 da LSG.

O texto da proposta incorpora os contidos mínimos esixidos para a concesión destas subvencións polo art. 26.2 da Lei de Galicia 9/2007 e a Base 38 de execución do vixente orzamento do Concello de Vigo; contidos que se estiman conformes ao interese público que a proposta persegue.

Que en aplicación dos principios recollidos na Lei 19/2013 de decembro, de transparencia, acceso á información pública e bo goberno, a Base de Datos Nacional de Subvencións BDNS operará como sistema nacional de publicidade das subvencións. A tales efectos, e para garantir o dereito



Copia do documento - Concello de Vigo	Data impresión: 03/05/2024 01:27	Páxina 6 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

dos cidadáns a coñecer todas as subvencións convocadas en cada momento e cara a contribuír aos principios de publicidade e transparencia, a Intervención Xeral da Administración do Estado publicará na súa paxina web as subvencións concedidas, segundo o establecido no artigo 20.4 e 20.8 da Lei 38/2003.

Que a Sociedade Hipica de Vigo 1910 non está incursoa en prohibición para ser beneficiaria das subvencións obxecto da Lei de subvencións de Galicia, áchase ao corrente das súas obrigas tributarias e fronte a Seguridade Social, segundo resulta das declaracións responsables e certificacións que figuran no expediente nº 17571/333.

A proposta de adxudicación directa ten natureza administrativa e rexeráse pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a Lei 40/2015 de 1 de outubro de Réxime Xurídico do Sector Público, a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen nesta proposta; as Bases de Execución dos orzamentos das Administracións asinantes e as restantes normas de dereito administrativo, e no seu defecto, as normas de dereito privado;

Que, de conformidade co artigo 127. g da Lei 7/1985, corresponderá á Xunta de Goberno local a aprobación da proposta e, con carácter previo, a aprobación do gasto de conformidade co previsto no artigo 31 da LG 9/2007.

Á vista do exposto, previo os informes xurídico e da Intervención de fondos, coa conformidade do Concelleiro de deportes e do concelleiro da Área de Orzamentos e Facenda, faise á Xunta de Goberno local a seguinte

### PROPOSTA:

**PRIMEIRO.-** Que se aprobe a concesión dunha subvención a favor da Sociedade Hípica de Vigo 1910, CIF G36944569, pola organización da Copa Galega de Enganches, que se celebrou os días 21 e 22 de Xullo de 2018, de acordo coas condicións e compromisos que se establecen no presente informe-proposta segundo o disposto nos artigos 28,1 da lei 38/2003 de 17 de novembro, xeral de subvencions e 26,1 da lei 9/2007 de 13 de Xuño de subvencions de Galicia.

**SEGUNDO.-** Que se autorice un gasto por importe de 1.700,00 euros, a favor da Sociedade Hipica de Vigo 1910, CIF G36944569, con cargo á aplicación presupostaria 3410.489.00.01 "subvencionis eventos deportivos" do programa orzamentario da área de deportes para o vixente exercicio.

### Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.



Copia do documento - Concello de Vigo	Data impresión: 03/05/2024 01:27	Páxina 7 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

CCA/me

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 03/05/2024 01:27	Páxina 8 de 8
SUBVENCIONS	CSV: A8A64D-CF2137-EH25CD-7Q61LF-5YBCB6-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		